

涇陽縣志卷二十六

義行傳

以德予人謂之仁以財予人謂之良一介細民而有雅行尤載筆者之所不忘述義行傳第八

明

趙敬以例授散官歲旱出粟數百石賑濟村人藉以存活者甚衆見途中有暴骨輒出貲雇人瘞葬之人有疾病施藥不取償孫元皆舉人

曹儼與弟恪均有義行正統間年荒出粟千石以賑濟之奉勅旌表

張敏富而好施遇年饑輒出粟千石以助賑濟鄉里賢之奉勅旌表

涇陽縣志

卷二十六

義行傳

一

姚玉璽字信字武舉人任甘州右營遊擊凡里中親故不能葬者捐已貲爲之買棺卜地以葬焉遇歲饑恒出粟以賑貧乏鄉鄰德焉

趙思齊字心印舉人有文武才善六壬時賊寇橫起練上著築鎮堡里人賴之崇貞庚辰歲大稜發粟賑濟一時多所全活子九成舉人

張鳳苞字美寰以例授鴻臚寺序班家素封散財以賑饑餓壽至七十而終

劉永安出粟賑給冠帶僉事王公表其墓

刑大信字順甫號太乙歲貢莊浪教授性好施鄉鄰貧貧者捐貲濟之年九十二無疾終著有考古編力學集子祥舉人

巢帝閣生員道拾遺金五十兩坐待一日還原主及暮歸路臨萬

崖乘驢忽驚走里許崖遂崩人以為陰陽之報子午科舉人任紹曾字子述監生天啟間歲饑賑濟貧不能償者焚其券家中落子璣進士

陳繼泰字憲宇舉人都察院司務慷慨慕義少年多違略崇貞己已賊亂破產糾義旅數出奇勝之賊遁去閭里恃以安堵

國朝

張瑋生員學行兼優邑侯趙公延為子師後趙陞蜀臬請至署有同邑王者佐業商成都為仇陷擬死瑋知其冤白於趙釋之佐後知謝弗受著有事類偶鈔六十卷子延樞平利縣訓導

張趾康熙壬子舉人焚鄰里借券多不索償

王瑱徵孫僕女嫁富家子以小故自經富家懼暮夜懷金賄瑱力却之

涇陽縣志

卷二十六

義行傳

二

熊文蔚舉人好施與欲為族之窮者納欠糧適病子鈺鈔出六百金成其志

李與蘅太學生康熙壬申歲饑出粟賙濟全活二十餘家

姚巍生員康熙壬申飢族眾計口給粟不使流離邑令常表其門常有經廩貢生候補主事輕財樂善施藥餌捨棺木於縣西石塔莊道旁築舍施湯以濟行人子季常生孫鶴齡例貢俱修品篤行劉象奇康熙辛未歲饑計口授食壬申給牛種鄰里賴以全活

王彪康熙壬申施粟施棺有鬻女者厚給值俟歲稔還其父

蒲周璧康熙六十年饑捐銀一百餘兩代完闔甲逋欠

王君中太學生道拾山西沂水人金四百兩還之

王相時武舉寇圍馬家堡團鄉勇驅寇出境賴生全者甚眾

梁樟廕歲貢寶雞教諭後陞榆林衛教授卒於官初樟廕家故饒

喜施與貧窶者竭力資助病與藥丸散刻簡便方書以廣利濟教人不受束脯得多士心子學淵庠生與弟學濬俱能讀父書

崔得祿弟得昌俱以行舉鄉飲辛丑歲捐銀一千四百兩買米散給鄰近五百餘家昌亦多所救濟乾隆元年設里塾備東修膏火訓親鄰子弟貧不能學者子武舉毓麟亦慷慨好義

張友仲庠生鄉飲介賓弟友貢友廉友偃俱監生康熙六十年大饑闔村欲逃仲等捐銀五百五十兩買米周給計安四十六家二百餘口仲善醫出參連以活貧者偃遊臬蘭焚債券二百餘兩廉在西寧買一女欲攜歸女泣告曰我碾伯大族女也爲人略賣廉卽訪還偃孝友撫姪如己出姪成貢生仲姪顯英監生有遠識

周士彥捨棺施地掩洪福寺客死寄骸無數買於楚里人逃荒南流者收恤之贖還郭原璞所鬻子給周子正銀四十兩令自楚得

涇陽縣志

卷二十六

義行傳

三

還秦

李彥昌家不甚豐好施予

趙向榮監生候選州同族人天宇貧不能葬親資助之宇死撫其子子死又撫其孫養孤戚張明世於家爲之娶明世死又爲子娶子夫婦又死命己子事明世妻如母以成其節

邢亨監生承父意捐銀二百兩出穀數百石擇地築堡聚廬四千家費不分派族人化麟因荒鬻子亨爲續歸又與房莊以安之

怡繩生貢生辛午歲荒捐百兩以救饑出五十餘兩修石村廢橋又捐三十兩完陳廷相議毀之婚

劉鏞監生辛未饑捐濟族里四十餘家辛丑饑亦行前惠

劉宗仁監生姪居坤生而失母仁令妻乳姪雇乳食己子收卹母旗蘇姓寡妻妻族張姓寡妻各使完節捐葺闕村堡牆愛獲鄰里

邢幾例貢生事父孝急公尚義舉

李珣生員孝友篤行常刊陰騭感應文勸人爲善壽九十

劉芳烈廩生以品行充鄉飲大賓善教授邑科甲多出其門焚債券行多義舉

王永祜與兄旣折復合同居三代值荒輒行救濟

謝理事母以孝聞辛丑饑有來質房產鬻子女者傷曰不忍阨人爲利不受券計口賙之

門應麒事叔父母如所生待從堂如同胞五世同居屢出粟賑荒門子擢例貢生遇歲歉捐粟賙鄉里有欠糧負債貧不能娶及客遊乏資者如數給之

趙玫太學生分任江南河工同邑牛姓客死慨與百兩給家口共櫬歸後自江淮策蹇歸家徒四壁淡如也人號淡庵先生

涇陽縣志

卷二十六

義行傳

四

翟從論客袁州遇一人痛哭赴河諭救之其人曰某失賣妻還買官米銀三十兩恐被拷論出資予之又一婦泣殿下橋問之曰有子十四歲欠糧被拘恐不保諭代還他債惠多類此年八十餘恩授八品頂帶

劉淵例貢生辛丑饑族里間計口給食後遇時歉率以爲常設學延師教里黨之貧不能學者

乍聚儒康熙辛丑饑出粟一百五十石救濟族黨

乍元勳監生孝事繼母雍正十一年歲歉出粟百石給村中乏食者又每家給銀二兩後一年復出粟百石置義倉擇村老掌理還者收存急者借與不計利不責償衆甚賴之

賈雲蛟監生鄉飲介賓父病疽蛟爲餽膿敷藥瘡得瘳族有流亡他鄉者給貲歸其骸安撫其孀施棺濟困行以爲常

胡生蛟鄉飲介賓弟通海監生學海生員康熙六十年饑捐銀百兩計本村大小九十餘口散給之

李國俊生員康熙六十年捐二百金濟救里族雍正五年出數十金獨代闔甲差役

褚錫命舉人擴基子也安貧力學躬耕養親康熙六十年饑家僅有穀麥數石不忍獨飽分以與人

郭煥斗監生康熙六十年轉貸數百金給鄉鄰歲稔不責償

康邦侯友愛兩弟造業豐腴同居不析爲闔族捐築莊堡共相保聚以子宏勳貴膺封典

王人佐雲陽鎮廩生順治六年山寇猖獗佐倡修鎮西北門建樓五層集闔鎮婦女居其上俾不受賊污鎮人感之請毛昌宗繪像誌其德王葵仲贊焉像今尙存

涇陽縣志

卷二十六

義行傳

五

張琳雲陽鎮監生乾隆十三年饑琳捐資二百金賑濟子天一武庠生

王文思雲陽鎮監生乾隆二十年鎮內公事有阻撓而不如衆意者文思出資八十餘金事遂舉

王遜雲陽鎮監生乾隆二十五年廣利渠議復濬爲有地者阻遜台渠民白邑令議准水利大行隨率衆改渠築堤至今人食其利張漢英雲陽鎮人有山西虞鄉縣薛君病歿湯藥棺殮胥漢英經理其子鴻儒聞訃來奔凡行囊銀兩又一一清付衆共匾口義氣可風惠周賓旅義高元龍

怡心廣成村里武舉石村有普濟石橋瀆父捐三百餘金創構越乾隆四十年瀆兄弟復出數百金重修煥然改觀視昔尤爲完固亢能敬監生乾隆十五年在京捐建涇陽會館後又在西安府捐

修涇陽館招寓應試諸生十八年在本村捐貲建修嫺睦倉貯穀千石歲歉出放不計息立義學貧不能讀者成就焉

武昕貢生逢歉歲每給牲畜籽種助畊又出貲粟以周貧不能婚死不能葬者或房屋坍塌不能修葺亦必酌助經理義行屢著

李廷桂通渭訓導乾隆十三年及二十六七等歲歉散糧周濟播種時散給籽粒二十七八年闔甲欠糧掃數代完里人無力婚葬者必助之睢城渡捐資創修橋梁迄今橋猶堅固人不病涉

賈獻策貢生幼失怙乾隆十一年捐瀛州書院膏火銀四百餘兩焚借約不下數千金十三年歲饑出銀五百兩賑濟臬憲武以好義並風表之妻孟氏奉策遺囑出銀三百兩散給鄉黨親族以遂其好施之志亦賢矣哉

孟師孔監生鄉飲大賓乾隆十三年大饑孔邨不舉火者四百餘

涇陽縣志

卷二十六

義行傳

六

口孔每八月給米三斗次月又每給銀一兩胥賴存活十七年二十五年歲歉亦然二十四年又將里民逋賦計正供及耗羨如數代輸牟令高其義旌之復設義塾兼贈紙筆膏火涇屬婦女多腰腿疾施藥餌每歲費百餘金數百里外皆賴以愈至今子孫猶奉行焉

仵聯第孝義性成仁厚夙著乾隆二十一二年饑饉相仍散麥二次合族百餘家均沾其德族中有饑寒交迫難以卒歲者之貲周卹晝夜不安爲貸銀百兩以濟之屢行義舉親族里黨均匾其門劉如預貢生鄉飲大賓康熙六十年饑本村百有餘家俱按口月給米麥乾隆十三十七兩年亦然府憲旌之

蘇三奇邑諸生事母盡孝遊四川瘟疫爲災捐藥活人無算

蘇文品太學生素敦孝友里有寡婦再醮文品聞之曰母去子何

安生爲給衣食婦得完節子亦成立

馬啟聰好施予歲歉出粟救飢

劉丕基慷慨好義常出粟二百石救飢

吳從衆出粟救飢設義學義倉里人德之

王聘三好善樂施遇荒歉輒出粟賑之

論曰傳曰沃土之民不材瘠土之民向義涇陽固沃土也而民之好義如此固其天性之篤亦由沐浴詩書之澤成爲習俗者久也姚錫金字漢鄉少孤事嗣母劉氏孝尤友愛其待從父昆季如一體狹于自養喜購求古圖書并推財鄉里拯疾病艱危之無告者嘗訓其子曰母譎觚母利跋母兌而儻母佻而翺母矜才而使氣母狃愉誕而不知勤劬母狎燕遊泄直諒子溥淳均籍諸生

聶璉字商珍太學生西城義學久圯癸亥秋請于前令鄭起而新

涇陽縣志

卷二十六

義行傳

七

之凡邑中修城垣施賑粥建考院諸大事皆能潔已趨公故邑人推爲祭酒子紹祖念祖俱仕承祖籍諸生

魏際隆字甫成學會七世孫輕財好義有李姓賣房銀二百兩寄存其家隔數日取銀去則云短銀數兩際隆不多辨如數給之越數日李姓以平砧錯悞還銀請罪際隆不多較家有積券悉焚之姚濂號竹溪慷慨樂施遇鄉黨有急輒指困周恤之設義塾延師課子弟資以膏火遇鄉試童試輸卷金嘗輸金助修 文廟計六千金其好義類如此

張鳳翔事親以孝聞性友愛兄鳳翰早世子尙襁褓撫養成立嘗

焚鄉里借券不責償嘉慶八年因軍需差繁獨完合甲徭役

徐登桂號峩峩少聰穎以家貧棄儒業理家務中歲家少起設鄉塾課同族子弟十餘人貧者或飲食之修脯置弗問教人以本行

爲先每授讀必講或至數四弗憚煩嘗稱說故事擇其有關倫常節義淺顯易曉者演爲俗說其善誘如此子法績太常少卿

孫景楹字馨木邑諸生爲人樂易慈祥嗜義不倦生平以讀書行善四字訓子孫與人以誠未嘗見喜愠之色又古文辭取於史漢制藝自成一家言一時以名宿目之景楹厚於行艱於遇年八十以諸生終子瑋性伉直急人之難不樂仕進以布衣終其身論者謂孫氏多隱德其後必昌及念祖以進士起家咸謂其言不謬云姚錫恩邑諸生少失怙學務心解力行不屑屑以詞章門工掘門內無疾言遽色慎交遊好施予人方以遠到期之而卒以諸生終姚大勲家素封好義每歲飢必周閭里嘗焚券數千金不責償遇邑有修橋修路諸事無不慷慨樂成嘗訓子九裕曰古人輕財尚義爾等宜世守之母忘我訓也道光十年歲飢九裕遵父遺命爲

涇陽縣志

卷二十六

義行傳

八

台里完糧二十年臨涇坡圯亦遵遺訓修之設義塾課里中子弟捐給紙筆膏火

姚溥邑諸生性聰穎尤敦孝友與堂弟湘浩同居數十年無間言輕財尚義嘗焚券數千金儉于自奉時知名之士以及老師宿儒晉接其門者比之廣廈云至其嘖嘖人口者若劉給諫之入都無貲贈以千金舊友劉松卿謫宦山東遺三百金迎之歸韓荇漪之蒙贈入京闈是也人以此重溥度後當大用卒老于諸生不售援例授太常簿以終吁殆所謂不干其身者耶子樹年籍諸生封梁監生豐于財慷慨好義著爲家風子維純增年孫堤監生曾孫世銘俱能以好義世其家